

嘉靖漢陽府志

地 260.17

1275

部 30123

天一閣藏明代方志選刊

漢陽府志

一九六三年三月上海古籍
書店據寧波天一閣藏明嘉
靖刻本景印原書版框高一
八·三公分寬一三·八公分

漢陽府重修郡志序

書契興而丘墳著文物盛而周官成世
史自畧而詳下逮列國爲乘爲檮杌春
秋降及漢後爲輿圖志風土記迄今郡
縣志皆丘墳之流行也隨時隨處輿版
籍並行而不闕者其要用以徵治樹風明
賢紀異以昭鑒戒奚徒耀文飭具如彼
虛車之飾而已哉郡治元以前罔有存

郡志序 卷之一

一

國初嘗奉

朝命脩輯類上僅存副耳宣德中郡守新
安王公靜以監察御史蒞郡簡屬典教
事南平趙雪航弼脩梓迺有傳詞若豐
而事未覈也如宋大儒黃先生勉齋當
篆理民政教有錄流徽藝苑卓可範後
岳大將武穆領畧荆湖兼漢陽軍制置
使討平憖寇曹成城漢之功有餘烈憲

章文武宜莫如二公尚畧之則其他相
次與唐以前湮晦者可例矣嗣是又閱
歷四世七奉 元朔雖川陸尚有易位况
往跡時宜升沉禪代與化軸相爲變換
在事理所必有與紀載之所弗容緩者
適其期矣否則朝代相懸聞見匪逮遂
使信以成疑又如今之視昔可不慎哉
是舉也歲入嘉靖之九稔予自按蜀還

郡志序 卷之一

二

郡守安福劉公本用慨版刻俱亡力任
脩蕪咨其人予曰朱侍御別山才瞻載
言直希兢者公曰可獨任乎予曰劉知
幾良史也嘗曰自古國史皆出一家未
聞藉功於衆公遂專其託方蒐遺創始
而公解組一輟遂五閱閏矣豈疾景奔
馳如電而人力顧匪逮也耶迺歲乙巳
今郡守賈公樵村履任葺治諸頽首民

隱次城垣以及文物動寃厥終於志事
尤加意以興墜緒別山銳其志尚謝紛
啓筭旁搜諸史考籍證圖不數朔而遂
厥成正譌崇體十要以領其綱類附以盡
其目沿革溯攸往以知時變方域因形
勝以稽俗尚創置示開設之有體祀典
著崇報之惟裡固其所也祇哉

聖謨敬一有箴四箴有註爲特書以揚文

郡志序 卷之一

三

德凡在隸氓遵循有極矣其次食貨著
盈縮以寓節宣之道宦蹟重循良以代
峴碑之樹旌賢範俗采榮必協於旅選
舉登材序次弗逸於遐四者周旋文其
備矣用戒不虞武可緩乎封守次於選
舉序亦秩然幾方外於末簡備時制之兼
隆亦事久相安爾矣究竟其極郡治枕
臨江漢而以漢名者漢水東入於江乘

其止也二水交衿九廛聯絡形勝稱楚之最而供億亦倍焉衝僻自爾矣迺復水道失經濁流為竭澤之患城狐潛囂籍土雁吞沒之虞民寔阨於斯二者矣在漢之陽則又域曠民踈土磽賦重客處浮於土著蟠據之患如寒暑侵人微乘深入而莫之覺也其端由民俗朴而怯訟士習雅而崇謙遜之遂若委矣志

郡志序 卷之一

四

郡存乎休戚以壽命脉故揭之簡端以昭石畫亦樵村脩志詔遠本意也噫郡以民社而立以形勝而居以文物而興公於是無不究心焉斯可以觀政矣公諱應春字東陽登嘉靖癸未進士世家真定


嘉靖二十五禩丙午秋七月

賜進士第資善大夫致仕兵部尚書刑部

察院右都御史攝廷尉事郡人戴金謨

郡志序 卷之一

五



漢陽號楚小郡然地方千里接壤會省

太祖高皇帝駐驛六師

今上龍飛西郢屹爲名鎮其在弘治甲寅

睿宗獻皇帝分封之國

今上辛巳

聖母章聖皇太后奉迎如京師巳亥

皇太后梓宮南祔皆經郡城北境或沿江入漢
或浮漢達江固

聖神過化之地四輔光被之區也宣德壬子脩

自叙

卷之一

一

郡志天順辛巳脩一統志又後脩省志凡茲
盛美缺而未書正德巳卯中丞鳳山秦公東
湖吳公侍御東塘毛公增脩省志誤聽采錄
予以鄉舉濫厠館局分纂襄鄖安陸是時

獻皇帝受命當國

今上儲祥潛邸雖嘗承乏役事亦止恭載

分封

嗣統畧節辛丑承天守臣奏脩

興都志總裁尚書顧公復加徵聘又坐病未

赴茲始恭紀盛美以垂江漢萬世之光叙曰
六年丁亥冬予罷御史歸七年秋郡守寧海
孔公以郡志屬予予曰姑遲之公不聽尋乃
請于巡撫中丞南岡朱公巡按侍御津西張
公擬館北寺其年關中少華許公鄞少石陸
公皆憲楚具傳遣使速予西遊十二月西遊
太嶽八年春正月會津西襄陽笑曰子今在
行館耶明日今兵侍方山侯公以襄憲訪予
樊口謂津西欲公早旋志館二月抵漢上三

自叙

卷之一

二

月病寒垂絕時亡兒之恩生四年作遺書孔
公來問予不能荅公嘆息去四月予得不死
而公罷去及安福劉公代與其僚別駕張子
節推孫子訪予北望山中曰某守郡一切徃
憲無所考慨茲郡志不續百年矣兩臺之議
不當以前守之去就為行止是時予方與世
淪棄不欲役志文墨請辭公曰業已許之二
年矣其何以報兩臺予曰唯唯不不曰姑遲
之十年二月公丹徃予曰唯唯三月館於東

樓以今鄉舉傅子兆歲薦胡子定萬子言朱子表分考往事類列縣籍予在北望四子每有所集則屬萬子以報予亦草草營構夏六月予罪深重不自殞沒惟天降割于我毋太宜人黃明年春二月公復罷去後十三年乙巳秋真定樵村賈公以副憲謫守郡脩明紀綱芟鋤強梗懷來窮獨除諸所不便翕然稱治思以崇本昭鑒以遺久遠明年春乃復請于巡撫中丞伯溪姜公巡按侍御南山高公

自叙

卷之一

三

是時予在雲深有慕古述事之志不敢辭乃相與議曰公知夫今之志乎職方氏所典之圖志是也圖者圖其方域之跡志者志其域中上下古今之事圖其方域之跡以志其域中上下古今之事蓋一郡一州一縣之實錄儲之以俟史氏之采擇三代而上為典謨為訓誥為誓命風雅其事要其辭簡其義備不可尚矣秦漢而下或曰記或曰史曰志曰書傳系之世代而總謂之史者二十有一是皆一

代之成書內稽制典章疏之所存外考郡邑
圖志之所載以撮其要領之實而備其當時
之故故曰志者史之積也史者志之成也然
有志之體有史之體志以備史述者之事有
予奪之義而無其權不得不詳史以裁志垂
憲作者之事以天子之權而寄予奪之筆不
得不核 明興諸志徧於海內得失之跡具
在本志邇年對山志武功後渠志彰德可泉
志安慶龍湖志長沙茶陵內方志沔陽洞野

自叙

卷之一

四

志蒲圻漢東志隨皆予所得見者其考博其
載詳其格古其可尚乎其可尚乎予江漢之
鄙人也地以跡遠不聞當時之務業以病廢
不習記載之規而何志之能哉雖然竊有志
矣况重之以諸公之委乎乃檢一統通志雪
航郡志與兩縣四子所集諸草祖述本始翻
校同異三月首事五月具稿七月梓成是志
也一曰沿革二曰方域三曰創置四曰廟祀
五曰食貨六曰官蹟七曰選舉八曰人物九

曰封守十曰方外事以類附義以次顯是非得失以言見莫先於沿革莫大於版籍莫要於守臣莫重於清議乃復為四論無凡例無泛載無徇已無溢美以俟就正於將來而備采於史氏茲予志也乃若考往而遺索實而謬務詳而踈陳事涉於贅紀編滄其體刪之不足以盡誤益之不足以裨史上之不足以傳古遠之不足以信後是誠予之力也夫是誠予之罪也夫

自叙

卷之一

五

嘉靖丙午秋七月朱衣自叙

漢陽府志目錄

府縣沿革志 卷一

方域志 卷二

創置志 卷三

廟祀志 卷四

食貨志 卷五

宦蹟志 卷六

選舉志 卷七

人物志 卷八

郡志目錄卷之一

封守志 卷九

方外志 卷十

漢陽府志

大別朱衣修



府縣沿革志

唐堯九州其南爲荆

虞舜十二州其一荊州俱荊州地

夏禹九州荆及衡陽惟荊州

導山內方至于大別

雲土夢作乂

導水過三澨至于大別南入于江

沿革志 卷之一

二

江漢朝宗于海荊州地

商荆楚地

周文王之化被于江漢作漢廣之詩

武王荊州之川曰江漢

夷王時楚子熊渠甚得江漢民和文王熊貲

益彊陵江漢間小國

定王三年楚莊王侶并吞江漢之間荊州地

春秋鄖國地

魯定公四年冬吳伐楚子常濟漢而陳自小